

Информационной ивортон

ВЛКСМ-лэн Центральной Комитетэзлэн 27 апрель-сен 5 маёзь III-тя Пленумез ортчиз.

ВЛКСМ-лэн ЦК-езлэн Пленумез таёе ужпум'ёсты өскериз:

1. Виль бырийськом системая совет'ёсты быр'ён азелы комсомольской организационсты дасян но комсомол пöлын политико воспитательной ужлэн тыр-мымтөосьз.

Докладчик—Косарев эш вал.

2. Отчет'ёс но комсомольской орган'ёсты быр'ён

Докладчик — Лукьянов эш вал.

Та доклад'ё'я Пленум кулэ решинос кутыз.

Мукет уже кошкеменыз, —Пленум Мускин эшез ВЛКСМ-лэн ЦК-езлэн пионер люкетэныз кивалтысь лунса ужанлэсь но ВЛКСМ-лэн ЦК-езлэн бюроезлэн членез лүэмлэсь мозмытыз. Озы ик Снетков эшез ЦК-лэн бюроезлэн членез лүэмлэсь мозмытыз.

ВЛКСМ-лэн ЦК-езлэн пионер люкетэныз кивалтысе но ЦК-лэн бюрояз членэ Козодеров эш юнматэмын.

Пленумын ВКП(б) ЦК-лэн секретарез А. А. Андреев эш участвовать кариз.

Стахановец'ёс 100 манетлы премировать каремын

Кавесс сельсоветысь Черновлэн нимыныз нимама колхоз вазь кизёно культураоссэ кизьса быдтыз. Чабей—57, йыды—48, сезы—98,36, етын—20, кöжы—7,62, вика—23 гектар киземын.

Умой ужась стахановец'ёс Одиетей Май празднике бороздаын 100 манетлы премировать каремын. Собретань колхозник'ёслэн ужан

мылкыцзы жутскиз, выль ужазинлыко ужаны кутскизы.

Кизён вакытэ 4 номер бригадной борд газет поттэмын. Агитатор'ёс вискарытэк беседаос но газет лыздылон'ёс ортчыт'язы. Колхозник'ёс гуртазы сион пöсьтылыса дырзэс öз быдтылэ, соос умой организовать карем столовойын сиськизы. И. АБАШЕВ.

Буксире „Труженник“ колхоз басытэмын

Вортча сельсоветысь „В-Ягино“ колхоз вазь кизёно культураоссэ кизьса 10-ти мае быдтыз. Вочыз 56,8 гектар киземын. Со пöлысь: чабей—14, йыды—9,5, сезы—23,3, вика но кöжы—4, етын—6 гектар киземын.

Колхозын массовой уж умой пуктэмын. Та ужан ачиз колхозлэн председателез Вахрушев кивалтэ.

Кизён дыр'я выль стахановец'ёс будызы. Куклин Михаил кизён машинаен 4,5 гектар кизён интые. 5,5—6 гектар кизылыз, Куклин Прокопий но Князев Павел кык лемехо плуген 1,4 гектарозь гырылызы.

Юрттыны понна, Вахрушев эш вал'ёссэ „Труженник“ колхозэ ыстыз.

ЧИРКОВ.

СОВЕТСКОЙ СОЮЗЫН

М. М. Литвинов эш Лондонэ мыниз

Мукет кун ушпум'я Народной Комиссар М. М. Литвинов эш коронацион-ной торжествоосын но, собере Женеваын Лига Нацийлэн Советэзлэн очередной сессияз участвовать карон вылысь Лондонэ мыниз. Коронационной торжествоосын участвовать карыны Литвинов эшен чош СССР-лэн кыкетей делегатэз—Морской кужым'ёс'я СССР-ысь Обороналэсь Народной Комиссарзэ воштысь В. М. Орлов эш но Лондонэ мыниз.

Советской делегациялэн составозы ик СССР-лэн Англиясь полпредэз И. М. Майский эш но пыре.

Советской скрипач'ёс Варшаваын

Советской скрипач'ёс Варшавае вуизы. Соосын чош ик отчы профессор Ямпольский но пьянист Дьяков эш'ёс мынэмы. Соос 8 но 9 мае выступать каризы.

„Последняя ночь“

киносуред Нью-Йоркын

Советской выль киносуред „Последняя ночь“ Нью-Йоркын возматиське шуса кинематографилэн Главной управленийез ивор басытыз. Со Бродвесын самой умой „Камаео“ кинотеатрын мынэ.

Советской кинематографилэн поттэм киносуред'ёсыз пöлысь „Последняя ночь“ котькудылэсь умой шуса газет'ёс гож'яло.

Давид Ойстрах концерт сетиз

Советской скрипач Давид Ойстрах Литвилэн столицяз Рига городын концерт сетиз. Туж бадзымесь азинлык'ёсын орчытэмын со.

Учрежденилэсь нимзэ-а, телефонлэсь номерзэ-а...

Шонер уг тодйськы ни, 4-тй яке 5-тй мае со вал. Телефонэн звонить карны кутски, куаретйсь öвöл. 3—4 минут звонить кареме бере гинэ, почтаиьсь пиосмурт куараез кылй, Кислицын вылэм со. Телефонлэсь номерзэ вератэк, ВКП(б) райкомлэсь ог'я отделзэ кури.

—Звонить каре, — шуса вазиз со.

Звонить карисько но...

—Райзо кылзйське, — шуса пумитам вазё.

Паймоно, малы райзо? Мон, веть, райкомлэсь ог'я отделзэ кури.

Йыркураса, нош ик звонить карисько. Жог кулэз шöдса-а мара, нош ик ог 5 минут звонить картизы. Бератсэ, со куараен ик пумиськисько.

—Малы кема куаретытэк ульськоды?—юай мон.

—Отвечать карны уг вуйськы, — шуса валэктэ со.

—Малы райком интые, райзоез сётйды?

Конешно, пумитад вераны, соос котьку но кыл

шедьтозы, ачид ик янгыше усёд.

—Нимын вераса уг тодйськы, номерзэ вера вал.

—Таре со кесяськыса та берло кыл'ессэ вераз ни. Йыркураз дыр.

Ужрад озы луэм бере, ноку но учреждениослэсь нимзэс вераса уг ульськы ни вал. Абонентысь номерзэ угчаса (нош угчан лякыт öвöл, 98 номерез нырысьеныз кутскыса лыдзöно луэ, алфавитной öвöл ук со), телефонлэсь номерзэ вералляй.

Озы но ялан уг пöрмы вылэм. 10-тй мае Шаркан МТС-эз шуса 7-тй номерез кури. Мар малпаськоды? Ш'еди-а мон МТС-э? Ой. Ой шедьды. Помыткинлэн квартираез вылэм со.

Таре уг тодйськы ни, учрежденилэсь нимзэ-а, телефонлэсь номерзэ-а вераса звонить кароно? Оло кыче ке но мукет амал вань на-а? Яке Шаркан почтаез калыкен издеваться кариськемысь дугдытоно-а? Кин та юан'ёс'я ответ сётны быгатоз? М. ПРОКОПЬЕВ.

Семейственностьлэн карез пазьгемын луны кулэ

Мувыр сельсоветысь „Жданово“ колхозын правленилэн член'ёсыз ответственностьтэк ужаменызы, колхоз ваньбур тус-тас луыса быре. Пудо сионэз тус-тас каремын. Соин ик, свинофермаиьсь 239 йыр парсьёс быремын.

Гужем турынез зор улэ шедьтыса, турын пудобслы сюдны öз яра ни. Ваньмыз но, ышса быриз. Соин ик, 12-эз вал'ёс кулйзы.

Колхозлэн азьло председателез Варламов И. 1 сюрс манетлэсь но ятыр, кассирез Широбоков 500 манет, счетоводэз Аверкиев 400 манетлэсь но уно растратаос лэсьтйзы.

Таче ул'ёссы понна Варламов но Широбоков народ-

ной судэн судить каремын вал. Нош алиез, колхозлэн председателез Колупаев, взыскать карытэк, зйбтыськыса улэ. Соослэсь взыскивать карем интые, растратчик—Варламовез правленилэн членаз бырйизы.

Колхозын ревизионной комиссия уг ужа. 1935 аре гинэ одйг пол ревизия вал но, растратчик'ёс шараямын вал. Нош со растратчик'ёслы али но ужрад'ёс кутымтэ на.

Колхозын доход трудоденя уг люкылйськы. 1936 арлы отчет но ревизия лэсьтэмын öвöл.

Тани кызыы „Жданово“ колхозлэн правлениез колхоззэ уллань куашкатэ.

ТОДИСЬ.

Медицинской ужась кулэ

В ортча сельсоветысь „Ляльшур“ колхозын азьло ар'ёсы трахоматозной пункт ужавал. Нош туэ марлы ке но райздрав сое пыдсаз. Ляльшурись оло висисьёс быризы шуса малпалоды. Öвöл. Озы малпад ке, янгыше усёд.

Трахоматозной пунктэз пыдса мез, райздравлэсь адямиос понна сюлмаськымтээ возматэ. Райздравлэсь адямиос понна сюлмаськымтээ соин но валэктыны луэ, колхоз'ёсты изучить карон понна, маинтуннэ колхоз шока, мае колхозник'ёс кулэ каро, тини со ужрад'ёсын, отысь ужасьёс колхоз'ёсы туж шер потало.

„Ляльшур“ колхозысь колхозник'ёс, райздравлэсь чикжегатскытэк, медицинской ужась ыстыны куро.

Колхозлэн председателез ЗАЛОГИНОВ.

ОТВЕТСТВЕННОСТЬЭН УЖАСЬ ЖУРОВ

Кинлэн ке Казесс сельпое ветлэмез вань, сое умоен адзёмез öвöл дыр шуса малпано луэ.

Мар, бен, вань Казесс сельпоян? Отысь вань полкаосты чоксась винаез, кыкарлэсь но кема „Китайская роза“ нимо чаез, куйн пачка мытоез, öжйт бирдыез но булавкаосты гинэ шедьтод. Туж шер дыр'я карамелез шедьтыны луоз. Нош мукет сион-юон вуз'ёсты татысь шедьто шуса эн но малпа, луиз ке но, сельполэн председателез Журов аслаз матысь мурт'ёсызлы гинэ вузалоз.

Журов аслэсьтыз ответственностьсэ соин но уг шöдылы, со бичаськисьёс азын одйгпол но отчёт öз сёты на.

СМИРНОВА.

Редактор ЩЕРБАКОВ.